

Eugene Kingsale a bai di 3-2 den wega di exhibicion di Detroit Tigers contra Florida Southern College

NEW YORK- Weganan di Sprinttraining a cuminza ayera pero diarazon ultimo, e ekipo di Detroit Tigers den cual ta milita e center fielder Arubiano, Eugene Kingsale, a hunga un wega di exhibicion contra Florida Southern College. Dean forma facil e ekipo di Detroit Tigers a gana cu anotacion abulta di 19-2 den encuentro cu Kingsale a habri como centerfielder.

El a bati di 3-2 mientras cu el a ser reemplaza pa C. Ross kende a bai di 1-0 c' un careda empuha.



Kingsale siman cu a pasa a ser menciona den un articulo di e conocido columnista di

baseball di Liga Grandi, esta Tom Verducci kende a analisa e falta di talento cu tin den casi tur ekipo di liganan, pa loke ta e posicion di centerfield.

Verducci ta considera Kingsale como un di e poconan cu talento y conocimiento pa hunga centerfield manera e tin cu ser hunga, mientras cu el critica formalmente centerfieldernan conoci manera Roger Cedeño kende ta hungando pa New York Mets.

Ayera Detroit mester a mira su prome accion den e Grapefruit League y lo a enfrenta e ekipo di Los Angeles Dodgers.

Den e encuentro aki tambe



tabata programa pa tira pa Los Angeles Dodgers, e lanzador Arubiano Calvin Maduro, kende ta tratando di gana un puesto den e rotacion di Dodgers, despues di a ser laga den libertad

na final di temporada pa pasa pa Baltimore Orioles.

Dodgers a hung un asina yama 'intersquadgame' y ayera nochi mester topa cu e ekipo di Kingsale, ta Detroit

Tigers caminda tabata intencion pa Dodgers habri cu Odalis Perez mientras cu tambe lo mira accion Mallette, Borbon, Paul Shuey, Steve Colyer y Calvin Maduro di ultimo.